

北京圖書館出版社

蔡鎮楚 編

中國

話本叢書

珍



蔡鎮楚 編

北京圖書館出版社

中國詩話珍本叢書

21



第二十一冊目錄

浴泉詩話(清·于春霑撰)		一
春草堂詩話(清·謝堃撰)		四五
射鷹樓詩話(清·林昌彝撰)		三三一

浴泉詩話目錄

卷一

共三十九條

卷二

共三十五條

新刊言言

目録

目録

浴泉詩話卷一

東光 于春霖 子雨

邑馬士雅 孔懷 元章先生之騷子王烈廣文 孔揚兄也

中康熙癸丑進士怡情詩酒絕意仕進邑志稱其著述

甚富書法精工詩詞蒼古其尤著者樂志軒集馬氏家

乘稱其有孱提子集今俱未見其後人僅傳遺句云數

畝薄田惟種秫幾間破屋只堆書懷古臨風常痛哭論

文燒燭自翻鈔真不愧蒼古之稱

祈工部珊洲 文友有句云昨夜東風吹雨過滿江春水

長魚蝦漁洋呼爲祁魚蝦謂宋人有呼梅聖俞爲梅河
豚者敢援此一例近閱金劉京叔祈歸潛志趙黃山溈有句
云好景落誰詩句裏塞驢馱我畫圖開世號趙塞驢是
古人亦不止一梅河豚矣

張振之丈

鐔

南皮人道光乙未進士官奉天府丞任滿

請假歸里無疾而終竟無嗣有詩名無人收拾想已散
佚茲錄其王蘭村歸里贈別云滌我塵氛去清言見道
心文章爭性命風味逼山林志以論文談情因話別深
爲言王內史莫忘寄來禽其由教習授西甯教諭赴省

時嘗往來先子學署每值先子出必與予嬉戲嘗令予
抱其左右肱作趺趺狀時予方五齡至今思之何勝感
慨

張氏南皮人員外郎壽山先生慶長女也未嫁時夢至
一處門貼親迎喜聯逡巡至洞房見新娘覆被卧引鏡
自照與新人無異遂驚醒後歸滄州吳生名茂椿景象
宛然與夢無別惟少覆被人耳自覺不祥後數年即亡
纔二十餘歲其從姪孫張虛範親爲予言張氏亦能詩
有繡桐齋詩集音多悽愴蓋天亡之兆其秋夜云天淡

雲開月影明
支頤永夜覺
愁生無情卻恨風如翦
翦碎梧桐葉葉聲

記予小時每喜度新歲
邇來年逾三十逢度歲
即不樂靜海勵文恭公有句云
童心只喜年光換壯志偏驚歲月虛
其好處正在言情之真

南皮張季之洞中咸豐壬子解元
纔十六歲同治癸亥

探花及第有天香閣十二齡
草其文詞藻議論裴然可觀
詩亦組織精工俱不類十二齡
作真奇才也錄其賞荷即事云
半山亭倚綠陰中
半浸波光半映紅
人在畫

欄香在水浪花捲起一簾風

景州莫亦韓明府若琦有句云才力無餘因事少見聞

有限仗書多亦韓道光癸未進士官山左萊蕪令

大城劉樹君編修淮年先子門人也嘗題予解衣購書

圖詩云神仙不羨銀華島人生須到瑯嬛早換出才人

錦繡心紫鳳天吳總顛倒倒字以去聲爲上聲潘心潭

震乙南皮詩人也見之以爲不可然古人亦有如此者

隨園詩話云詩人用字大概不拘字義如上下之下上

聲也禮賢下字去聲也杜詩廣文到官舍繫馬堂階下

又朝來少試華軒下未覺千金滿高價是借上聲爲去聲
矣王維公子爲羸停四馬執轡愈恭意愈下是借去聲
爲上聲矣

先子試帖詩人稱其似有正味齋而古近體不多作有
東邨遺詩一卷敬錄詠菊一韻云香浮深處無妨淡品
到寒時自有真蓋自寫照也

內弟葛子周

之覃

十一歲府試第一入南皮學十三歲

食餽有神童之稱善書工詩以賦南詩草求予選定皆
十五以前所作也佳句有烟外青迷瓜蔓架雨中紅綻

豆花籬後中光緒丙子進士官刑部主事

江甯烈婦焦氏工詩文適諸生劉生嗜博家貲一空氏屢勸不聽竟以氏注三言金與赫某博及負復以百金壓券越日逼娶烈婦聞之作詩十首其一云忍遺膚髮博芳名身重從教性命輕地下一言郎記取休從彥道再輸贏遂自經死事發官判罰赫某金爲烈婦建祠俾劉生終身奉香火焉事在乾隆二十年甚矣博之爲害致家財蕩然妻子喪亡如遭兵火之阨人猶不知避之何也錄之以爲後車之鑒云

南皮諸生張壽卿

謝祺

嚴州太守鑑菴先生

丙震

孫嘗

爲余鈔書亦能詩其秋夜云秋意飄然至涼宵引興長
眠遲知露重坐久覺花香雲過月收影潭清波有光星
河明似晝閒趣足徜徉

張壽卿太翁一堂布衣

日誠

三十始學爲詩有夢曇詩

草壽卿持來求予選定予爲細閱一過歸之錄其佳句
如左云客心縣落日秋色滿征鞍巷深遙吠犬樹老亂
鳴蟬

戰氏南皮孝廉張勵軒繼室二十七歲守節遺有二子

相繼殤晚年以姪爲嗣現年六十餘歲余嘗見其自歎
一首詩雖未工其詞意亦甚可悲矣勵軒名全懋著有
綠雲小窗吟稿春鶯云立向花陰人悄悄隔將柳色雨
濛濛賣花云夢破小樓風乍到人來深巷雨初晴興化
寺晚眺云煙痕籠樹暗人語隔溪寒道中云近水人煙
靜眠車客夢多皆佳

西湖禪一字心舟號小顛乾隆嘉慶中詩僧也輒嚴州
太守張鑑菴云一樹甘棠六載栽

公守嚴
郡六載清陰常護子

陵臺從今墜淚碑應勒南國人人日日哀

滄州貢生祝宗玉純琮妻吳秀嫗端淑號懦媪山陰人

善書工詩有月窗詩草榕花閣詩草錄其七言云廚空

每仰薪添葉燈炮還邀月到牀

南皮郝同吉思謨乾隆丙午舉人官容城訓導有井陘

詩草其署井陘校官時所作也佳句云波平輕艇漫水

遠暮天低

國朝張敦夫大復號予村河南夏邑人張靜旃大復號

春巖別號秋坪道人直隸南皮人二人俱同姓名俱能

詩敦夫有近古堂稿邯鄲道上云武安北上拱神京嶽

色遙臨紫氣橫公子平原稱好客將軍馬服舊知名人
家禾黍叢臺驛古國風煙萬葉城欲借秋鴻勞問訊黃
梁一夢愧盧生靜旃有因樹山房詩見楊花漫成云小
庭新綠影橫斜春去餘寒尚賸些閒倚朱闌看飛白不
知是雪是楊花明末亦有張元長大復崑山人有梅花
草堂集見四庫全書館全毀書目

傳十卷名宦傳二卷

總目

崑山人物

景州戈珊洲英倫先子門人也才甚敏捷弱冠補諸生
考一等應食餼有議其文非已出者聞之不悅偶過其
人於友處友出杏林春燕圖索題珊洲援筆題曰武陵

聲價重江南壓倒羣芳意自酣獨有無知雙燕子飛來
飛去任呢喃

慶雲崔念堂

旭

與其子正甫

光笏

俱官山右先生蒲縣

知縣正甫鄉甯知縣二縣接壤先生寄子詩云年來滿

耳差堪慰人說吾兒好縣官後正甫官至雲南糧儲道

南皮張壽山

慶長

乾隆辛未進士官廣東南海知縣捐

員外郎未任卒獻縣戈芥舟

清

爲作墓誌銘有壽山遺

稿吾廬詠懷云半畝亦爲園數椽亦爲屋官閒少塵事

端居樂幽獨灑灑清風來坐對簷前竹其高曠之懷頗